

Cymdeithas Mudiadau Gwirfoddol Ceredigion

Eich cyngor gwirfoddol sirol lleol

7. Dod o hyd i arian a'i gael

7.4.4 Grantiau gan Lywodraeth Cymru



Trosolwg

Mae Llywodraeth Cymru yn cynnig ystod eang o grantiau i gyrff ledled Cymru fel awdurdodau lleol, Partneriaethau Diogelwch Cymunedol, a'r sector gwirfoddol. Defnyddir y grantiau i ddarparu gwasanaethau sy'n ateb anghenion y cyhoedd yng Nghymru, fel gwella tai, lleihau digartrefedd, hybu diogelwch cymunedol ac adfywio ardaloedd difreintiedig.

Mae'r daflen wybodaeth hon yn cynnwys manylion am gynlluniau grantiau a gynigir gan Llywodraeth Cymru naill ai'n uniongyrchol, neu drwy gyrff annibynnol. Rhoddir crynodeb byr o bob cynllun ynghyd â'i fanylion cyswllt.

Cronfa Gynaliadwyedd yr Ardoll Agregau ar gyfer Cymru

Cyflwynwyd yr Ardoll Agregau gan Ddeddf Cyllid 2001, a ddaeth i rym yn Ebrill 2002. Defnyddiwyd rhan o'r arian a godwyd gan yr ardoll i sefydlu Cronfa Gynaliadwyedd i fynd i'r afael â'r costau amgylcheddol sy'n gysylltiedig â chloddio agregau. Yng Nghymru, defnyddir y Gronfa i ateb problemau sy'n benodol i Gymru:

- I fynd i'r afael â'r etifeddiaeth o hen ganiatadau mwynau.
- I hybu defnyddio deunyddiau eraill yn lle agregau.
- I leihau effaith cloddio agregau.
- I roi manteision amgylcheddol a mwynderol i gymunedau a effeithiwyd gan gloddio agregau.
- I warchod safleoedd o ddiddordeb arbennig.
- Ar gyfer prosiectau addysgol.

Mae cyllid ar gael i brosiectau sy'n mynd i'r afael â'r materion uchod ac sy'n cwrdd â'r meini prawf a nodir yn y pecynnau gwybodaeth. Cynghorir darpar ymgeiswyr i drafod prosiectau arfaethedig cyn cyflwyno cais.

Cyswllt: Llywodraeth Cymru, Y Gangen Polisi Cynllunio, Parc Cathays, Caerdydd CF10 3NQ

Ffôn: 029 2082 3261 neu 029 2080 1492

Planning.Division@wales.gsi.gov.uk

CADW

Grantiau Prosiectau Dinesig (Treftadaeth)

Mae'r cynllun uchod yn rhoi grantiau hyd at £5,000 i gyrff gwirfoddol lleol ar gyfer prosiectau sy'n cyfrannu at gynyddu ymwybyddiaeth o'r amgylchedd hanesyddol ac yn hybu gwerthfawrogiad ohono. Gallai hyn gynnwys cynnal arddangosfeydd neu gyhoeddi deunydd addysgol ar yr amgylchedd hanesyddol.

Bydd gwaith ffisegol yn cael ei ystyried lle maen nhw'n gwella gwerthfawrogiad y cyhoedd o'r amgylchedd hanesyddol. Gallai hyn gynnwys codi placiau sy'n helpu i gyflwyno adeiladau hanesyddol, neu sy'n gwella gwerthfawrogiad y cyhoedd o'r amgylchedd hanesyddol neu'n hyrwyddo gwybodaeth i ymwelwyr.

Mae'r cynllun yn arbennig o berthnasol i gymdeithasau dinesig a bydd angen iddynt gyfrannu cyllid cyfatebol.

Cynllun Grant Adfywio Gwledig

Gall Cadw gynnig grant tuag at atgyweirio adeilad yng nghefn gwlad er mwyn ei wneud yn addas unwaith eto at ddefnydd blaenorol neu ei addasu at ddefnydd newydd.

Rhaid i'r adeilad fod

- yn rhestredig
- 'mewn perygl'
- yng nghefn gwlad neu mewn pentref o 500 o drigolion neu lai.

Mae'r grant ar gael i ymddiriedolaethau, elusennau, cyrff cyhoeddus, unigolion, neu fusnesau (ond mae amodau os caiff yr adeilad ei werthu o fewn 10 mlynedd).

Mae'r cynllun yn addas ar gyfer adeiladau o unrhyw fath, gan gynnwys adeiladau amaethyddol, diwydiannol, crefyddol, domestig, a masnachol.

Cyswllt: Cadw,

Plas Carew, Unedau 5&7, Cefn Coed, Nantgarw, Caerdydd, CF15 7QQ

Ffôn: 01443 336 000

Ffacs: 01443 336 001

cadw@wales.gsi.gov.uk

www.cadw.wales.gov.uk

Ymddiriedolaethau Archeolegol yng Nghymru

Rhoddir grantiau o dan y rhaglen hon ond i'r pedair Ymddiriedolaeth Archeolegol yng Nghymru i achub archeoleg ledled Cymru.

Mae'r ymddiriedolaethau'n ymwneud â datblygu a gweithredu polisiau sy'n berthnasol i warchod, cofnodi, dehongli a chyflwyno archeoleg, tirluniau hanesyddol a threftadaeth adeiledig Cymru.

Cyswllt: Gwilym Hughes

Ffôn: 01443 336 033

cadw@wales.gsi.gov.uk

www.cadw.wales.gov.uk

Y Rhaglen Cyfleusterau a Gweithgareddau Cymunedol

Dyfeisiwyd y Rhaglen Cyfleusterau a Gweithgareddau Cymunedol i ddarparu neu i wella cyfleusterau cymunedol ac i gefnogi gweithgareddau cymunedol sy'n ceisio adfywio cymunedau. Mae'r rhaglen yn agored i fudiadau gwirfoddol a chymunedol fel ei gilydd.

Mae angen i ymgeiswyr fod yn fudiadau annibynnol, hunanlywodraethol, dielw eu dosbarthiad ac yn bennaf ddifusnes ac er budd i'r cyhoedd. Gall y rhaglen roi grantiau i helpu i ddarparu cyfleusterau neu i gyflawni gweithgareddau sy'n hybu adfywio cymunedau drwy fynd i'r afael â'r blaenoriaethau canlynol:

- Creu neu ailwampio cyfleusterau sydd ar gael i'r gymuned gyfan, neu eu haddasu i sicrhau mynediad cyfartal i bobl anabl fel sy'n ofynnol o dan Ddeddf Gwahaniaethu ar Sail Anabledd 1995.
- Gwaith i wella'r amgylchedd adeiledig neu naturiol i bobl leol.
- Gwella lles y gymuned drwy annog ffyrdd o fyw iach a gweithredol.
- Darparu cyfleusterau neu weithgareddau sy'n lleihau tlodi, anghydraddoldeb, gwahaniaethu ac anfantais gymdeithasol.
- Annog hyfforddiant sy'n targedu pobl agored i niwed neu wedi eu heithrio.
- Ysgogi busnesau cymunedol a mentrau gymdeithasol.
- Helpu i hyrwyddo cyfleoedd gwaith ac incymau gwell.
- Cynnwys pobl o bob oed a gallu yn y gymuned a mynd i'r afael ag anghenion grwpiau sydd wedi eu heithrio'n gymdeithasol.
- Cryfhau hunaniaeth ddiwylliannol ac ieithyddol y gymuned.

Gweithgareddau cymunedol

Gall y rhaglen gyllido unrhyw gynigion sy'n ysgogi cyfranogiad pobl leol yng ngweithgareddau'r gymuned wrth gyfrannu at adfywio ardal. Anogir ymgeiswyr i gyflwyno cynigion sy'n gydawns â fframwaith Gweledigaeth Gymunedol y rhaglen Cymunedau yn Gyntaf.

Gellir rhoi grantiau ar gyfer prosiectau cyfalaf sy'n parhau am hyd at dair blynedd a £300,000 yw'r grantiau mwyaf fel arfer.

Cofiwch, oherwydd ymrwymadau presennol, y bydd cyllid yn eithaf prin.

Cyswllt:

Judith Davies

Ffôn: (01685) 729315

**Pen-y-bont ar Ogwr, Caerffili, Sir Ddinbych, Sir y Fflint, Rhondda Cynon Taf,
Torfaen a Wrecsam**

Eryl Loring
Ffôn: (01685) 729317

**Caerdydd, Sir Gaerfyrddin, Ceredigion, Castell-nedd Port Talbot, Casnewydd, Sir
Benfro ac Abertawe**

Roger Plater
Ffôn: (01685) 729321

**Ynys Môn, Blaenau Gwent, Conwy, Gwynedd, Merthyr Tudful, Sir Fynwy, Powys,
Bro Morgannwg ac unrhyw brosiect a gyflwynir trwy gyfrwng y Gymraeg**

Grantiau ar gyfer mudiadau plant a theuluoedd

Amcan cyffredinol y cynllun hwn yw cefnogi gweithgareddau craidd mudiadau gwirfoddol yn y sector gofal cymdeithasol sy'n gweithio ar lefel Cymru gyfan, datblygu gwasanaethau cefnogi ataliol i blant a theuluoedd, ac osgoi teuluoedd yn chwalu.

Ei nod yw meithrin gallu cyrff gwirfoddol cymwys i helpu'r Llywodraeth i gyflawni ei amcanion o greu cymdeithas fwy cynhwysol gyda chyfle cyfartal ac fel bod plant yn gallu chwarae rôl gadarnhaol yn y gymuned lle bynnag y bo hynny'n bosibl. Mae'n canolbwyntio ar y themâu canlynol:

- Bod cyrff sy'n darparu gwasanaethau i blant yng Nghymru yn cael eu cynrychioli'n genedlaethol
- Gofal dydd
- Plant sy'n derbyn gofal (gan gynnwys eiriolaeth, maethu a mabwysiadu)
- Plant anabl
- Magu plant.
- Amddiffyn plant
- Plant o grwpiau ethnig a lleiafrifol eraill
- Chwarae.

Cyswllt:

Llywodraeth Cymru, Is-adran Strategaeth Plant (Y Tîm Rhaglenni Plant a Theuluoedd)

Andrew Carter
Ffôn: 029 2082 5894

Leia Dally
Ffôn: 029 2082 6379

cymorth@wales.gsi.gov.uk

Darparu cyngor a gwasanaethau yng nghyswllt troseddu gan bobl ifanc a thrais yn y cartref

Mae'r cynllun grantiau'n dyrannu cyllid i fudiadau gwirfoddol arbenigol sy'n darparu ystod o wasanaethau a chyngor i asiantaethau lleol ar droseddu gan bobl ifanc, trais yn y cartref a thrais yn erbyn merched. Mae'r cynllun wedi'i anelu'n bennaf at fudiadau sy'n gallu gweithio'n effeithiol ar lefel Cymru gyfan, er y bydd prosiectau arloesol lleol neu ranbarthol efallai'n cael eu hystyried

Mae cyllid ar gael i fudiadau sy'n darparu gwasanaeth ymgynghorol, hyfforddiant a chymorth i dimau troseddau ieuencid, ac i fudiadau sy'n rhoi cyngor a gwasanaethau yng nghyswllt trais yn y cartref neu drais yn erbyn merched.

Mae'r cynllun yn cynnwys cymorth refeniw i helpu cyrff gwirfoddol sy'n gweithio gyda phroblemau cam-drin yn y cartref er mwyn lleihau digartrefedd a chysgu allan.

Os am ymgeisio am gyllid o dan y cynllun hwn, mae canllawiau manwl a ffurflenni cais ar gael.

Cyswllt: Jane Andrews,
Yr Is-adran Diogelwch Cymunedol, Llywodraeth Cymru, Rhydycar, Merthyr Tudful,
CF48 1UZ
Ffôn: 01685 729088
jane.andrews@wales.gsi.gov.uk

Y Gronfa Datblygu Cynaliadwy

Nod y Gronfa Datblygu Cynaliadwy yw datblygu a phrofi, mewn partneriaeth, ffyrdd newydd o gael pobl i fyw'n fwy cynaliadwy mewn cefn gwlad sy'n hynod o naturiol hardd ac amrywiol, lle mae'r nodweddion lleol o ddiwylliant, bywyd gwylt, tirlun, defnydd tir a chymuned yn cael eu gwarchod a'u gwella. Dechreuodd y cynllun ym Mehefin 2000 mewn Parciau Cenedlaethol ac yn Ebrill 2001 mewn Ardaloedd o Harddwch Naturiol Eithriadol. Mae'r cynllun ar gael i unigolion neu fudiadau o'r sectorau cyhoeddus, preifat neu wirfoddol os medrant ddangos bod eu cynlluniau'n cwrdd â'r meini prawf cymhwyso. Ni fydd grantiau i'r sector gwirfoddol fel arfer yn fwy na 75%, ac i fudiadau eraill ni fyddant fel rheol yn fwy na 50%, ond bydd 100% ar gael mewn amgylchiadau eithriadol.

Amcanion y cynllun yw:

- Ymchwilio i ffyrdd o gyflawni, ar yr un pryd, egwyddorion cynaliadwyedd a chwalu'r rhwystrau sy'n gallu atal cynaliadwyedd
- Datblygu modelau ar gyfer rheoli cefn gwlad yn gynaliadwy, ac y gellid eu cyflwyno'n ehangach ar draws Cymru.
- Creu mwy o ymwybyddiaeth a gwella dealltwriaeth o gynaliadwyedd.

Rhoddir blaenoriaeth i gynigion cymwys sy'n:

- Dangos arloesi neu arferion gorau.
- Cynnwys pobl ifanc a chymunedau lleol.
- Defnyddio cyfraniadau o ffynonellau eraill.
- Ychwanegu gwerth neu ddimensiwn newydd at brosiectau cynaliadwyedd presennol.

Mae ffurflenni cais ar gael gan Awdurdodau'r Parciau Cenedlaethol a chan Swyddogion awdurdodau lleol sydd ag Ardaloedd o Harddwch Naturiol Eithriadol. Bydd angen i bob prosiect gwrdd â'r meini prawf cymhwyso isod.

Rhaid iddynt:

- Fod yn gynaliadwy.
- Dangos bod ganddynt gefnogaeth neu gyfranogiad diffuant eu cymunedau.
- Cefnogi un neu ragor o amcanion y cynllun.
- Cyd-fynd â strategaethau lleol a chenedlaethol allweddol, e.e. Agenda Leol 21.
- Dod â mudiadau at ei gilydd mewn partneriaeth i ateb problemau.

Cyswllt:

Parc Cenedlaethol Bannau Brycheiniog
Ffôn: 01874 624 437

Parc Cenedlaethol Arfordir Penfro
Ffôn: 01646 624 874

Parc Cenedlaethol Eryri
Ffôn: 01766 770 274
Llywodraeth Cymru
Ffôn: 029 2082 3169

Y Sector Iechyd a Gofal Cymdeithasol – grantiau i gyrff gwirfoddol Cymru gyfan sy'n gweithredu yn y sector gofal cymdeithasol ar lefel Cymru gyfan

Mae'r cynlluniau grantiau hyn yn gweithredu o dan Adran 64 Deddf y Gwasanaeth Iechyd 1968 ac Adran 28b Deddf y Gwasanaeth Iechyd 1977.

Pwrpas y grant yw llenwi bylchau cyllido yng ngweithgareddau craidd cyrff gwirfoddol sy'n gweithredu o fewn y sector iechyd a gofal cymdeithasol ar lefel Cymru gyfan dros:

- Bobl hŷn (a.64).
- Gofalwyr (a.64).
- Oedolion gydag anableddau corfforol a / neu synhwyraidd (a.64).
- Oedolion gydag anableddau dysgu (a.28b).
- Oedolion gyda phroblemau iechyd meddwl (a.28b).

Mae cynlluniau grantiau ar wahân ar gael i bob un o'r grwpiau o bobl uchod. I fod yn gymwys i gael eich ystyried, rhaid i fudiadau gwirfoddol weithio yn y sector iechyd a gofal cymdeithasol dros bobl yn o leiaf un o'r categorïau uchod, ar lefel Cymru gyfan (genedlaethol).

Prif nod y cynlluniau yw helpu cyrff gwirfoddol cymwys i helpu'r Llywodraeth i gyflawni ei amcanion dros y bobl yn y categorïau uchod fel a ddisgrifir yn *Cymru: Gwlad Well*.

Cychwynnodd cylch ceisiadau ar gyfer y cynllun hwn ar 6 Awst 2007 a dyddiad cau are gyfer ceisiadau oedd 19 Hydref 2007. Mae grantiau wedi'u rhoi am 3 blynedd o Ebrill 2008 hyd 2010-11.

Cyswllt:

Pobl Hŷn - Graham Carter

Ffôn: 029 2082 3423

Gofalwyr - Gavin Parry

Ffôn: 029 2082 6980

Anableddau Corfforol / Synhwyraidd – Sarah Cochrane Ffôn: 029 2082 3097

Anableddau Dysgu - Alyson Collins

Ffôn: 029 2082 5441

Iechyd Meddwl - Tina Jones

Ffôn: 029 2082 5734

mentalhealthpolicymailbox@wales.gsi.gov.uk

Her Iechyd Cymru – cynllun grantiau i'r sector gwirfoddol

Mae'r cynllun grantiau hwn yn bodoli i gryfhau gwaith hybu iechyd yng Nghymru. Cynigir grantiau i gyrff gwirfoddol cenedlaethol sy'n gallu cyfrannu at hybu iechyd ac ychwanegu gwerth at ddatblygiadau hybu iechyd cenedlaethol yng Nghymru.

Mae'r rowndiau cyllido yn gwahodd ceisiadau sy'n ymateb i Her Iechyd Cymru drwy:

- Helpu i ddylanwadu ar yr amodau sydd eu hangen ar bobl i fyw bywydau iach ac i wella eu hiechyd.
- Helpu unigolion a grwpiau i wneud beth fedrant i wella eu hiechyd nhw a'u teuluoedd.
- Helpu i gyfleu'r neges 'iechyd gwell' yn fwy effeithiol.
- Gwella gallu cyrff gwirfoddol a chymunedol cenedlaethol i ymgysylltu â Llywodraeth Cymru a phartneriaid allweddol er mwyn datblygu polisïau ac arferion hybu iechyd. Gall hyn olygu gweithio naill ai'n unigol neu'n gyfunol gyda, er enghraifft, Canolfan Iechyd Cymru, y Gwasanaeth Iechyd y Cyhoedd Cenedlaethol a phartneriaethau Iechyd, Gofal Cymdeithasol a Lles Lleol er mwyn cyflawni canlyniadau iechyd gwell i bobl Cymru.

Prif themâu'r rhaglen Her Iechyd Cymru yw:

- Ysmygu.

- Gordewdra.
- Damweiniau ac anafiadau.
- Camddefnyddio alcohol a sylweddau eraill.
- Heintiau (a drosglwyddir yn rhywiol; a gafwyd drwy ofal iechyd; y gellir eu hatal drwy frechiad; pydredd dannedd).
- Iechyd meddwl a lles.

Cyswllt:

Michelle Lessard

Ffôn: 029 2082 6246

HPVSGS@wales.gsi.gov.uk

Asiantaethau Gwella Cartrefi a Gofal & Trwsio

Mae grantiau refeniw ar gael i helpu asiantaethau gofal a thrwsio sy'n rhoi cyngor a chymorth ymarferol, technegol ac ariannol ar welliannau i'r cartref, cynnal a chadw a gwaith trwsio i bobl hŷn ac anabl fel y medrant aros yn eu cartrefi eu hunain yn y gymuned am gyn hired ag y maen nhw'n dymuno neu'n gallu.

Cyswllt:

Mr Jeff Childs

Ffôn: 029 2082 5219

Mr Huw McLean

Ffôn: 029 2082 3921

housing-privatesectorunit@wales.gsi.gov.uk

Cynllun grantiau cyrff ieuenctid gwirfoddol cenedlaethol

Nod y cynllun yw helpu cyrff ieuenctid gwirfoddol cenedlaethol (sy'n hwyluso gwasanaethau i bobl ifanc yng Nghymru) i gynyddu ystod ac ansawdd y cyfleoedd dysgu anffurfiol sydd ar gael i bob person ifanc 11-25 oed yng Nghymru.

I ddarparu cymorth ariannol tuag at gostau canolog a phrosiectau a gyflawnir gan un mudiad neu gyfuniad o fudiadau ac asiantaethau. Mae unrhyw fudiad cenedlaethol sy'n gallu dangos ei fod yn gwneud gwaith ieuenctid da (fel a ddiffinnir gan y Datganiad Cwricwlwm Gwaith Ieuenctid i Gymru) yn gymwys i ymgeisio. Nid yw'r cynllun ar gael i grwpiau neu fudiadau ieuenctid gwirfoddol lleol na grwpiau sy'n ganghennau o fudiadau ieuenctid gwirfoddol cenedlaethol.

Cyswllt:

Y gangen Strategaeth Gwaith Ieuenctid, Yr Is-adran Strategaeth Plant a Phobl Ifanc, APADGOS, Y Llawr Gwaelod, Tŷ'r Afon, Heol Bedwas, Caerffili CF838WT.

Ffôn: 01443 663746

Ffacs: 01443 663753

www.wales.gov.uk/entendingentitlement

Atal a Lleihau Digartrefedd a Chysgu Allan

Mae cymorth refeniw i helpu mudiadau gwirfoddol i leihau digartrefedd a chysgu allan yng Nghymru ar gael i:

- Helpu pobl ddigartref, rhai a allai fynd yn ddigartref neu bobl ddi-do, yn enwedig rhai lle nad oes gan awdurdodau lleol ddyletswydd i ddod o hyd i dai ar eu cyfer o dan Ddeddf 1996.
- Darparu cyngor a chyngor arbenigol a / neu lety sydd ddim ar gael yn hawdd mewn mannau eraill.
- Cyflawni ymchwil i ba mor gyffredin yw, ac achosion cysgu allan mewn ardal benodol.

Yn y blynyddoedd diwethaf, mae Llywodraeth Cymru wedi dyrannu refeniw ychwanegol a chyllid cyfalaf cysylltiedig i gefnogi awdurdodau lleol er mwyn hwyluso datblygu strategaethau digartrefedd lleol. Rhoddwyd cyllid hefyd i awdurdodau lleol ledled Cymru ar gyfer prosiectau Atal a Llety Dros Dro.

Ar gyfer 2006-08, mae cyllid ar gael i fudiadau i gefnogi rhaglenni Arferion Da i Atal Digartrefedd.

Mae manylion pellach ar gael gan y Tîm Grantiau yn Uned Strategaethau a Gwasanaethau Tai'r Gyfarwyddiaeth Dai. Rhaid cyflwyno bidiau drwy'r awdurdod(au) lleol yn yr ardal lle bydd y prosiect yn cael ei redeg.

Cyswllt:

Nick Jones

Ffôn: 01685 729198

housinggrantsadministration@wales.gsi.gov.uk

Rhaglen Grantiau Rheoli Tai Cymdeithasol

Y pwrpas yw cysylltu'r rhaglen yn glir i gyflawni'r weledigaeth ar gyfer tai cymdeithasol a'r amcanion eang a nodir yn:

- Strategaeth Dai Genedlaethol Cymru.
- Strategaethau Tai ar lefel leol.

Mae prif themâu'r rhaglen yn newid yn flynyddol. Y rhai presennol yw:

- Helpu pobl hŷn i fyw'n annibynnol yn eu cartrefi eu hunain, a gweithgareddau tai eraill yng nghyswllt gwella iechyd.
- Rheoli tai a datblygu cynaliadwy.
- Rheoli tai ac ymddygiad gwrthgymdeithasol.
- Gorwelion newydd – arloesi ym maes rheoli tai cymdeithasol.

Mae themâu blaenorol wedi cynnwys:

- Gosod tai cymdeithasol.
- Marchnata tai cymdeithasol.
- Gwerth gorau.
- Hyrwyddo cyfranogiad tenantiaid a hyfforddi.
- Hyrwyddo a phrif ffrydio cyfle cyfartal.
- Tai ac iechyd.
- Datblygu strategaethau tai lleol.
- Datblygu cynlluniau busnes ar gyfer stoc tai cyngor.
- Archwilio a gwerthuso modelau amgen ar gyfer rheoli tai cymdeithasol.
- Gorwelion newydd – arloesi ym maes rheoli tai cymdeithasol.

Mae copi o'r ffurflen gais, canllawiau manwl a'r meini prawf ar gael ar wefan y Llywodraeth Cymru.

Cyswllt:

Nick Jones

Ffôn: 01685 729198

housinggrantsadministration@wales.gsi.gov.uk

Cronfa Weithredu ar Gamddefnyddio Sylweddau

Rhoddir yr arian hwn i'r 22 o Bartneriaethau Diogelwch Cymunedol yng Nghymru i gomisiynu gwasanaethau a fydd yn rhoi sylw i'r anghenion a nodwyd yn eu Cynlluniau Gwella Camddefnyddio Sylweddau Lleol.

Gall mudiadau sector gwirfoddol gael arian o'r Gronfa hon drwy gydweithio a'u partneriaeth Diogelwch Cymunedol Lleol.

Cyswllt: Steve Craddock, Rheolwr Cyllid a Rheoli Perfformiad, Tîm Gweithredu a Chyllido'r Strategaeth Camddefnyddio Sylweddau, Yr Is-adran Diogelwch Cymunedol, Llywodraeth Cymru, Rhydycar, Merthyr Tydful, CF48 1UZ

Ffôn: 01685 729105

Stephen.Craddock@wales.gsi.gov.uk

Cyrff Cyhoeddus a Noddir gan Llywodraeth Cymru.

Nid yw Cyrff Cyhoeddus a Noddir gan y Llywodraeth yn adrannau o'r Llywodraeth, nac yn rhan o adran ond maen nhw'n darparu cyllid gan Lywodraeth Cymru i wahanol achosion. Maen nhw'n gyrff lled-ymreolaethol sy'n gweithredu o hyd braich. Mae gan bob un fwrdd sy'n gyfrifol am waith y corff.

Cyngor Celfyddydau Cymru

Mae Cyngor Celfyddydau Cymru yn dosbarthu cyllid ar ran Llywodraeth Cymru a'r Loteri Genedlaethol i brosiectau celfyddydol.

Cynllun Grantiau Cyfalaf

Cronfa'n bennaf ar gyfer adeiladau a chyfarpar celfyddydol ond gall hefyd gefnogi celfyddyd gyhoeddus, astudiaethau ymarferoldeb a gwaith datblygu. Mae 'Grantiau Cyfalaf Bach' hefyd ar gael i brosiectau rhwng £2,000 a £10,000.

Dyfarniadau Cymru Greadigol (rhwng £5,001 a £12,000)

Cyllid ar gyfer artistiaid proffesiynol, er mwyn helpu artistiaid i ddatblygu eu potensial a gloywi eu sgiliau a'u partneriaethau creadigol. Nod y dyfarniadau hefyd yw fel bod artistiaid yn gallu cymryd amser i ffwrdd o'u hymrwymyiadau arferol i ganolbwyntio ar ddatblygu eu gwaith.

Dyfarniadau Cymru Greadigol Mwy (rhwng £20,000 a £25,000)

Yn ychwanegol at yr uchod, rhaid i artistiaid ddangos lefel gyson o gyflawni a chyfrannu o fewn yr ardal lle maen nhw'n ymarfer yn broffesiynol yng Nghymru.

Noson Allan – Cynllun Teithio Cymunedol

Pwrpas y cynllun hwn yw helpu grwpiau a mudiadau cymunedol i gynnal perfformiadau proffesiynol byw heb achosi'r risgiau ariannol arferol.

Cyswllt:

Cyngor Celfyddydau Cymru, 9 Stryd yr Amgueddfa, Caerdydd CF10 3NX

Ffôn: 029 20 37 6500

Ffacs: 029 20 22 1447

www.artswales.org

Cyngor Cefn Gwlad Cymru

Cyngor Cefn Gwlad Cymru yw corff cynghori'r llywodraeth ar fywyd gwyllt a materion cadwraeth cefn gwlad a morol yng Nghymru. Mae'n hybu'r gwaith o warchod a gwella'r tirlun, cadwraeth bywyd gwyllt a chynefinoedd, cyfleoedd i fwynhau cefn gwlad yn dawel, a dealltwriaeth y cyhoedd o'r amgylchedd.

Ar ôl mynd drwy gyfnod trosiannol gyda darparu grantiau, mae'r Cyngor yn addasu i Strategaeth Gorfforaethol newydd o ddarparu ei waith ar sail themâu, ynghyd â phwyslais newydd ar gyllid o fewn y sector amgylcheddol.

Anogir darpar ymgeiswyr am grantiau i gysylltu â'u Swyddog Cefn Gwlad Rhanbarthol yn eu swyddfa leol cyn cyflwyno cais. Ni fydd y grantiau fel arfer yn fwy na 50 y cant o gostau'r cynllun.

Cyswllt: Cyngor Cefn Gwlad Cymru, Maes-y-Ffynnon, Penrhosgarnedd, Bangor, Gwynedd LL57 2DW

Ffôn: 01248 385500

Llinell Holi 0845 130 6229

enquiries@ccw.gov.uk

www.ccw.gov.uk

Comisiwn Brenhinol Henebion Cymru

Prif waith Comisiwn Brenhinol Henebion Cymru yw casglu gwybodaeth drwy arolygu, cofnodi a dehongli safleoedd, adeiladau a thirluniau hanesyddol ac archeolegol daearol a morol.

Mae'r Comisiwn yn cefnogi cyrff eraill sy'n gweithio yn yr un maes, yn bennaf drwy roi cyngor. Fodd bynnag, lle bo hynny'n briodol, mae'n barod i roi cymorth ariannol.

Cyswllt: Comisiwn Brenhinol Henebion Cymru, Plas Crug, Aberystwyth, Ceredigion, SY23 1NJ

Ffôn: 01970 612 203

david.browne@rcahmw.org.uk

www.rcahmw.org.uk

Cyngor Chwaraeon Cymru

Mae Cyngor Chwaraeon Cymru yn gweithredu nifer o gynlluniau cyllido gyda'r nod o gynyddu cyfranogiad a gwella perfformiad mewn chwaraeon yng Nghymru. Mae gwybodaeth fwy manwl bellach am y cynlluniau grantiau, a'r meini prawf cymhwyso, ar gael yn y canllawiau perthnasol gan y Cyngor Chwaraeon.

Hyfforddwyr Cymru

Cynllun wedi'i noddi gan Llywodraeth Cymru a Chronfa Loteri Chwaraeon Cymru, i roi cyllid ar gyfer hyfforddi, cefnogi a chyflogi hyfforddwyr.

Élite Cymru

Mae'r cynllun hwn yn rhoi nawdd i'r athletwyr mwyaf addawol yng Nghymru i'w helpu i gyflawni eu potensial. Gallai hyn gynnwys cymorth gyda gwyddoniaeth chwaraeon, cymorth meddygol, cyngor gyrfaol ac addysgol, hyfforddiant a mynediad at gyfleusterau hyfforddi. Ystyrir ceisiadau am grantiau ond ar gyfer y chwaraeon a'r gweithgareddau hynny sy'n cael eu cydnabod gan Gyngor Chwaraeon Cymru.

Datblygu Cyfleusterau

Cynllun cyfalaf wedi'i noddi gan y Loteri Genedlaethol i wella cyfleusterau chwaraeon ar lefel leol a chenedlaethol, mewn ardaloedd wedi eu hadnabod i fod fwyaf angen cymorth ariannol, chwaraeon a hamdden arnynt. Rhaid i brosiectau ddangos eu bod yn rhoi'r budd chwaraeon parhaol a mwyaf yn ogystal â gwerth am arian.

Y Fenter Genethod yn Gyntaf

Cynllun ar gyfer ysgolion uwchradd yng Nghymru i annog merched i gymryd rhan mewn gweithgareddau chwaraeon ar ôl ysgol. Mae uchafswm o £1,000 ar gael i bob ysgol.

Cymorth i Ddatblygu Teithiau Tramor

Cynllun i gyfrannu'n ariannol at deithiau tramor fydd yn helpu i ddatblygu gêm chwaraeon. Mae'r grantiau wedi eu cyfyngu i gyfraniad o hyd at 50% o'r costau teithio, offer diogelwch a'r deunyddiau hanfodol eraill tebygol. Nid yw grantiau byth bron yn fwy na £1,000.

Mân Grantiau

Cyllid ar gyfer prosiectau sy'n creu cyfleoedd newydd, ychwanegol neu well i wneud chwaraeon. Defnyddir y cynllun yn eang i annog unigolion, teuluoedd a chymunedau i wneud mwy o ymarfer corff. Ni all cyfanswm costau'r prosiect fod yn fwy na £12,500.

SPORTLOT – Cist Gymunedol

Cynllun grantiau i ddatblygu chwaraeon yn y gymuned, yn enwedig i bobl ifanc, merched a genethod a grwpiau difreintiedig. Gwneir penderfyniadau ynghylch grantiau llai na £750 yn lleol. Sefydlwyd pwyllgorau ym mhob un o'r 22 awdurdod lleol yng Nghymru, sy'n cynnwys pobl lleol sy'n gwybod am chwaraeon.

Diogelwch Chwaraeon

Cynllun i helpu mudiadau diogelwch chwaraeon cenedlaethol, clybiau diogelwch chwaraeon a thimau achub i ddarparu gwasanaeth diogelwch ac achub i bobl sy'n cymryd rhan mewn gweithgareddau hamdden yn yr amgylchedd naturiol. Mae gweithgareddau cymwys yn cynnwys cynlluniau cyfalaf, offer arbenigol wedi'i adnewyddu a phrosiectau arbennig i wella cyfranogi a / neu safonau. Uchafswm y grantiau yw 75% o gyfanswm costau unrhyw brosiect hyd at £7,500 am wariant cyfalaf, a £2,500 am wariant refeniw.

Sportsmatch Cymru

Cynllun sy'n darparu cyswllt hanfodol rhwng y sector masnachol a datblygiad chwaraeon yn y gymuned, ac sy'n cynnig nawdd i glybiau chwaraeon a chyrrff llywodraethu gyda phrosiectau sy'n gwella cyfranogiad cymunedol, drwy gyfateb buddsoddiad gan y sector preifat 'punt am bunt'.

Cyswllt: Cyngor Chwaraeon Cymru,
Gerddi Soffia, Caerdydd CF11 9SW
Ffôn: 0845 045 0904
Ffacs: 029 2030 0600

scw@scw.co.uk

www.sports-council-wales.co.uk

Bwrdd yr Iaith Gymraeg

Sefydlwyd y Bwrdd o dan Ddeddf yr Iaith Gymraeg, a'i brif bwrpas yw hwyluso'r defnydd o'r iaith Gymraeg.

Mae'r Bwrdd yn ceisio gweithio mewn partneriaeth â mudiadau sy'n cynnig cyngor a chymorth i ddarparwyr gwasanaeth yng Nghymru er mwyn rhoi dewis naturiol o iaith i'w cwsmeriaid.

Grantiau i hybu'r iaith Gymraeg

Mae'r Bwrdd yn cynnig grantiau i gyrff gwirfoddol sy'n gweithio ar brosiectau sy'n arwain at gynnydd yn y defnydd o'r Gymraeg.

Mae'r cynllun yn darparu nawdd i weithgareddau sy'n cynyddu ac yn hwyluso'r defnydd o'r Gymraeg. Gellir rhoi grant am hyd at dair blynedd.

Yn ogystal, ceir cynlluniau grantiau i ddarparu deunyddiau dwyieithog ac i fusnesau. Rhaid i bob ymgeisydd cymwys fod â chyfansoddiad, statws cyfreithiol derbyniol a strwythur rheoli democrataidd.

Fodd bynnag, gall y Bwrdd ystyried ceisiadau gan gyrff newydd, neu gan fudiadau sydd wedi sefydlu ond heb eto ffurfiol eu statws.

Cyswllt: Bwrdd yr Iaith Gymraeg, Siambrau'r Farchnad, 5-7 Heol Eglwys Fair, Caerdydd CF10 1AT

Ffôn: 029 2087 8000 Ffacs: 029 2087 8001

post@welsh-language-board.org.uk

www.welsh-langauge-board.org.uk

www.bwrdd-yr-iaith.org.uk

Cyllid o gronfeydd eraill gan y Llywodraeth

Ceir ystod o ffynonellau cyllid amrywiol gan y Llywodraeth sy'n cynnwys cyllid gan y Llywodraeth wedi'i weinyddu gan gyrff gwirfoddol fel Cyngor Gweithredu Gwirfoddol Cymru a chynghorau gwirfoddol sirol.

Y Gronfa Benthyciadau Cymunedol

Sefydlwyd Benthyciadau Cymunedol gan Gyllid Cymru ym 1999 i gefnogi mentrau cymunedol ledled Cymru.

Nod y gronfa fenthyciadau yw pontio'r bylchau mewn cymorth ariannol i economi gymdeithasol sydd ar ei phrifiant. Drwy gau'r bylchau hyn, mae'r benthyciadau'n cryfhau hyfywedd ariannol mentrau cymunedol ac yn eu gwneud yn fwy cynaliadwy yn y tymor hir.

Mae benthyciadau cymunedol yn gweithredu fel catalydd i gynyddu'r llif arian i fentrau adfywio cymunedol. Maen nhw ar gael i ganghennau masnachol elusennau; busnesau cymunedol, mentrau cydweithredol; undebau credyd; ymddiriedolaethau datblygu;

busnesau a berchenogir gan y gweithwyr; busnesau cymdeithasol; cwmnïau cymdeithasol; mentrau sy'n cael eu rhedeg gan grwpiau ethnig a chyrrff gwirfoddol.

Mae creu swyddi a datblygu economaidd yn elfennau hanfodol o unrhyw gais llwyddiannus. Fodd bynnag, mae Cyllid Cymru yn cynnig arweiniad a chymorth camwrth-gam i ymgeiswyr drwy reolwr cronfa proffesiynol dynodedig.

Cyswllt:

Cyllid Cymru ccc, Tŷ Oakleigh,
Plas-y-Parc, Caerdydd CF10 3DQ

Ffôn:029 2033 8100

Ffacs: 029 2033 8101

sarah.mayze@financewales.co.uk

info@financewales.co.uk

www.financewales.co.uk

ENTRUST

Cynllun Credydau Treth Tirlenwi

Er nad yw'r cynllun grantiau hwn wedi'i noddi'n benodol gan y Llywodraeth, mae'n rhoi cyfle i weithredwyr tirlenwi gefnogi ystod eang o brosiectau amgylcheddol drwy roi credyd treth o 90% iddynt yn erbyn eu cyfraniadau at brosiectau amgylcheddol. Rhaid gwario'r credydau treth tirlenwi yn unol â'r rheoliadau ar dreth tirlenwi. Mae Cyllid a Thollau EM wedi cyhoeddi bod y Cynllun Credydau Treth Tirlenwi yn newid ei enw i'r Gronfa Cymunedau Tirlenwi.

Nid yw ENTRUST yn cyllido unrhyw waith o fewn y Cynllun Credydau Treth Tirlenwi. Rôl ENTRUST yw rheoleiddio'n unig ac ni all orfodi unrhyw weithredwr tirlenwi i ariannu prosiect arbennig.

Fodd bynnag, mae ganddo gyfrifoldeb i gofrestru, monitro ac archwilio cyrrff sydd wedi cofrestru gydag ENTRUST fel Cyrff Amgylcheddol. Mae'r cyrrff dosbarthu hyn yn helpu grwpiau eraill i ddefnyddio credydau treth tirlenwi.

Mae nifer o ffyrdd o gael gafael ar gyllid. Nid oes angen i gyrff fod yn elusennol, er bod angen iddynt fod yn ddielw a rhaid defnyddio unrhyw weddill i ariannu amcanion eich mudiad ymhellach.

Cyswllt:

ENTRUST

60 Holly Walk

Royal Leamington Spa

CV32 4JE

Ffôn: 01926 488300

information@entrust.org.uk

www.entrust.org.uk

Amgylchedd Cymru

Mae hwn yn bartneriaeth mudiadau yn y sector gwirfoddol, a ariennir gan Llywodraeth Cymru. Ei fwriad yw cyfrannu at ddatblygiad cynaliadwy drwy gefnogi ac annog gweithredu gwirfoddol i ddiogelu a gwella'r amgylchedd yng Nghymru.

Gweinyddir y fenter gan Gyngor Gweithredu Gwirfoddol Cymru (WCVA) ar ran Llywodraeth Cymru. Rhaid cofrestru prosiectau yn ffurfiol er mwyn bod yn gymwys ar gyfer eu cynlluniau grant. Mae yna bum cronfa grant, gyda phob un yn gymwys am hyd at 75% o gostau'r prosiect.

Grantiau rheoli: Ariannu swyddi newydd gyda phrosiectau cofrestredig neu grwpiau sefydlog neu gyfansoddiadol.

Grantiau prosiect: I'w rhoi i brosiectau cofrestredig ar gyfer prynu eitemau mawr neu gostau adeiladu.

Grantiau Datblygu

Grantiau cefnogi hyfforddiant: Ar gyfer prosiectau cofrestredig i hyfforddi staff neu wirfoddolwyr a digwyddiadau a drefnir gan y prosiect i hyfforddi eraill.

Grantiau cyn y prosiect: I'w rhoi i grwpiau cyfansoddiadol yn unig ar gyfer gwaith a wneir gan ymgynghorwyr allanol sy'n archwilio posibilrwydd prosiect, a deunyddiau hyrwyddo i helpu'r prosiect i gael cefnogaeth.

Grantiau dechrau: Ar gyfer costau cychwynnol sefydlu grŵp, megis costau hurio ystafell cyfarfod. Rhaid bod yna gyfrif banc yn enw'r grŵp i dderbyn yr arian.

Cyswllt:

Amgylchedd Cymru, Baltic House, Mount Stuart Square, Cardiff, CF10 5FH

Ffôn: 029 2043 1727

info@environment-wales.org

www.environment-wales.org

Cyngor Gweithredu Gwirfoddol Cymru (WCVA)

Mae'r WCVA yn gweinyddu nifer o gynlluniau grantiau ar ran Llywodraeth Cymru.

Mae aelodau o'r WCVA yn derbyn gwybodaeth am gyllid fel rhan o *e-briffio* bob pythefnos, neu drwy ymaelodi am ddim gyda'r WCVA gallwch dderbyn y bwletin *Newyddion* cyllid sydd hefyd yn dod allan bob pythefnos.

Cronfa Ymddiriedolaeth Cymunedau yn Gyntaf

Mae hwn yn darparu grantiau hyd at £5,000 i grwpiau mewn ardaloedd Cymunedau yn Gyntaf ar gyfer unrhyw fath o weithgaredd sy'n cynnwys pobl leol trwy fudiadau a arweinir gan y gymuned. Gweinyddir y gronfa gan WCVA, ac anelir at gefnogi gweithgareddau sy'n darparu lles economaidd, amgylcheddol, cymdeithasol neu ddiwylliannol y bobl.

Prosesir ceisiadau ar sail y cyntaf i'r felin. Y dyddiad cau ar gyfer derbyn ceisiadau 2010/11 yw Dydd Llun 31 Ionawr 2011.

Cyswllt:

Llinell Gymorth Cymunedau yn Gyntaf

Ffôn: 0800 587 8898

help@wcva.org.uk

www.wcva.org.uk

Gwobrau Gwirfoddolwyr y Mileniwm

Mae Gwirfoddolwyr y Mileniwm (GM) yn rhan o raglen wirfoddoli i bobl 16-25 mlwydd oed ledled y DU. Mae'r rhaglen ar gael i fudiadau sy'n cynnig neu'n datblygu cyfleoedd gwirfoddoli ar gyfer pobl ifanc yn unol ag amcanion allweddol Gwirfoddolwyr y Mileniwm i:

- Cael effaith gadarnhaol mewn cymunedau lleol, cynnig cyfleoedd gwirfoddoli heriol a diddorol ar gyfer pob unigolyn ifanc
- Galluogi pobl ifanc i feithrin sgiliau a gwybodaeth newydd a datblygu'n bersonol
- Gosod safon ar gyfer cyfleoedd i wirfoddoli yng Nghymru
- Annog pobl ifanc i hawlio'r rhaglen yn eiddo iddyn nhw'u hunain

Dylai'r cyfleoedd fod yn heriol, yn cynnig lles cymunedol, a datblygiad personol i'r bobl ifanc, a'u galluogi i gwblhau 200 awr o wirfoddoli.

Mae hyd at £8,000 o gyllid ar gael ar gyfer talu am gostau uniongyrchol gwirfoddolwyr, er y gallwch hefyd ymgeisio i redeg Gwirfoddolwyr y Mileniwm heb fynd drwy'r broses grantiau.

Cyswllt: Desg Gymorth WCVA

Ffôn: 0800 2888 329

help@wcva.org.uk

Cyswllt Cymunedau Cymru Affrica

Dan nawdd cynllun 'Cymru o blaid Affrica' Llywodraeth Cymru, mae Cyswllt Cymunedau Cymru Affrica yn cefnogi mudiadau cymunedol yng Nghymru i adeiladu partneriaethau cynaliadwy, tymor hir gyda mudiadau cymunedol yn Affrica Is-Sahara. Gall y cysylltiadau wneud gwahaniaeth i iechyd, ieuenctid, bywoliaethau, amgylchedd a chytgord cymdeithasol yng nghymunedau Cymru ac Affrica, drwy gyfnewid dysg, sgiliau ac adnoddau, neu ddylanwadu ar awdurdodau. Mae ein grantiau, sy'n gysylltiedig gyda fframwaith arfer da Gwobrau Seren Aur y Cenhedloedd Unedig, yn cefnogi grwpiau Cyswllt Cymunedau Cymru Affrica er mwyn:

- Cynnwys eich cymuned – hyd at £1,000
- Adeiladu eich partneriaeth gydag Affrica – hyd at £2,000
- Cyflawni prosiectau datblygu ar raddfa fechan – hyd at £3,000

Cyswllt: Desg Gymorth WCVA

Ffôn: 0800 2888 329

walesafrica@wcva.org.uk

www.walesafrica.org

Grantiau Gwirfoddoli Ymhlith Pobl Ifanc

Yn ystod 2010-2011 bydd GwirVol yn sicrhau y bydd y grantiau canlynol ar gael:

- Grantiau 'Cyfleoedd' o hyd at £10,000 i fudiadau gwirfoddol yng Nghymru i'w helpu i ddarparu mwy o gyfleoedd gwirfoddoli.
- Grantiau 'Hyrwyddo' llai gwerth hyd at £5,000 ar gyfer gweithgareddau a fydd yn hyrwyddo gwirfoddoli i bobl ifanc ac er eu cyfer.
- 'Rhyngwladol': cyllid prosiect hyd at £30,000 i annog cyfleoedd gwirfoddoli rhyngwladol i bobl ifanc nad ydynt yn gwirfoddoli fel arfer.
- 'StreetGames': grantiau o hyd at £2,000 ar gael i brosiectau yng Nghymru sy'n dymuno datblygu gweithgareddau gwirfoddoli mewn chwaraeon ar gyfer pobl ifanc yng Nghymru. Mae'n rhaid i ardaloedd difreintiedig gael budd o'r prosiectau. Mae'r cynllun grant yn ceisio rhoi blaenoriaeth i gyfleoedd gydag ystod eang o bobl ifanc (16 – 25 oed), ac ar eu cyfer, yn enwedig:
 - Pobl ifanc o gymunedau difreintiedig: yn benodol o ardaloedd Cymunedau yn Gyntaf a chymunedau pobl Ddu, Asiaidd a Lleiafrifoedd Ethnig
 - Pobl ifanc a chanddynt anabledau corfforol neu anabledau dysgu
 - Pobl ifanc rhwng 16 a 18 oed
 - Pobl ifanc nad ydynt yn derbyn addysg, hyfforddiant neu mewn cyflogaeth

Cyswllt: Desg Gymorth WCVA

Ffôn: 0800 2888 329

www.gwirvol.org

Y Gronfa Buddsoddiad Cymunedol

Roedd y cyfnod cyntaf yn weithredol o 2006 i 2008. Darparwyd buddsoddiadau benthyciadau hyblyg a gefnogwyd gan gymorth grant datblygu. Mae cronfa £6 miliwn yn agos at ei derfyn, ac efallai bydd ar gael yn gynnar yn 2011. Bydd y gronfa newydd yn darparu £2 miliwn o gronfa gyffredinol, ar gael i bwrpasau buddsoddi cymysg, er enghraifft datblygiad eiddo ac asedau, costau cyfalaf refeniw a chostau dechrau.

Dyrennir £4 miliwn ar gyfer *Invest to Serve*, sef cronfa ar gael i fudiadau sy'n ceisio datblygu cenhedliad incwm, o ddarparu gwasanaethau sector cyhoeddus i gytundebau gwasanaethau a chontractwyr. Bydd y gronfa newydd yn parhau i helpu adeiladu cynladwyedd ariannol mentrau cymdeithasol annibynnol cymunedol a mudiadau dielw a leolwyd mewn ardaloedd cydgyfeiriad, sydd yn methu cyrraedd arian masnachol, ac sy'n gallu arddangos dychweliadau ariannol cadarnhaol a chymdeithasol wrth fuddsoddi.

Cyswllt:

Desg Gymorth WCVA

Ffôn: 0800 2888 329

help@wcva.org.uk

Ymwadiad

Mae'r wybodaeth a ddarperir yn y daflen hon ar gyfer cyfarwyddyd yn unig. Nid yw'n amnewid am gyngor proffesiynol ac ni allwn dderbyn unrhyw gyfrifoldeb am golled o ganlyniad i unrhyw berson weithredu neu wrthod gweithredu arno.

Am rhagor o wybodaeth cysylltwch â

Cymdeithas Mudiadau Gwirfoddol Ceredigion

Bryndulais, 67 Stryd y Bont, Llanbedr Pont Steffan, Ceredigion, SA48 7AB

Elusen Gofrestredig 1061364

Ffôn: 01570 423232

gen@cavo.org.uk

Ffacs: 01570 422427

www.cavo.org.uk



Ffôn: 0800 2888 329

www.wcva.org.uk

Cynhyrwyd gan WCVA, Cynghorau Gwirfoddol Sirol a Chanolfannau Gwirfoddoli
Wedi ei ddiweddarau: 01/07/2011